

**Uunga siunnersuut: Piginneqatigiilluni inissiat pillugit Inatsisartut inatsisaat nr. xx, xx.
xxx 2017-imeersoq**

(Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu
Naalakkersuisoq)

Saqqummiussineq

(Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu
Naalakkersuisoq)

Siullermeerneqarnera

Matumuuna Naalakkersuisut sinnerlugit piginneqatigiilluni inissiat pillugit Inatsisartut inatsisissaattut siunnersuut saqqummiuppara.

Isertitat sumilu najugaqarneq apeqqutaatillugit nammineerluni inissiamik pisinissamut periarfissat assigiinngitsorujussuusut Naalakkersuisunit eqqumaffigineqarpoq. Taakku saniatigut illoqarfimmi najugaqarfimmiluunniit minnerusumi, illoqarfuit sisamat annerit, realkreditimit taarsigassarsinissamut ajornannginnerutitsiviusut avataanniittumi najugaqaraanni taarsigassarsinissamut periarfissat assigiinngissinnaapput.

Innuttaasut inissianik imminut pilorsorsinnaasut amerlanerpaat inissiamik imminut pilersussasut Naalakkersuisut anguniagaraat. Inissianik pilersuinermi nammineerluni aningaasalersuisinnaanerup annertunerulererata kingunerisaanik, pisortat innuttaasunut aningaasaqarnikkut periarfissaqannginnerusut inissianik pitsaasunik akikitsunillu inissaqtitsisinnaanerinut periarfissaat pitsaanerulissapput. Innuttaasut nunatsinni sumiluunniit najugaqarluuarunik inuuniarnermi atugassarititaasuni naliginnerulernissaannik siuarsanissaq Naalakkersuisut kissaatigaat.

Innuttaasut inissianik imminut pilorsorsinnaanerinut periarfissat ajornannginnerulersinneqassapput pilerinarnerulersinneqassallutillu. Taamaattumik Naalakkersuisut ineqarnermik aaqqissuusseqqinnermut ilagitillugu najoqqtassiamik suliaqarput, pisortat taarsigassarsitsitsinissamut periarfissaannik najukkani inissianik niueruteqarnermut naleqqussaaviusumik. Tassalu pisortat inissianik nutaanik sanaartornermut aningaasalersuinissamut taarsigassarsiititaat taamaallaat kommuninit isumagineqartalernissaat, taamaallilunilu innuttaasut ataasiinnarmut saaffiginnittalernissaat siunnersuutigineqarpoq. Tamatuma kingunerisaanik konto pingaardeq 89.72.11 Nammeneq inissianik tapiissutitalimmik sanaartorneq, ukumut 35 millionit koruuninik aningaasartuuteqartartoq kommuninut, siunissami qinnuteqaatinik aqutsisuusussanut nuunneqassaaq.

Inatsisit pisariinnerulernissaat, aammalu aalajangiisnerit siuissami inuttanut qaninnerusumik pisarnissaasa, minnerunngitsumillu qinnuteqariaatsit pisariinnerulernissaasa qulakkeerneqarnissaa Naalakkersuisut kissaatigaat. Inatsisisstatut siunnersuut akuerineqassappat, innuttaasut ataasiinnarmut saaffiginnittalissapput; kommunimut.

Siunnersuummi maleruagassat arlallit, piginneqatigiilluni inissiat pillugit Inatsisartut peqqussutaat naapertorlugu atuutsinneqartut ingerlateqqinnejassapput. Kisiannili tassunga

atatillugu siunnersummi piginneqatigiilluni inissiaatillit peqatigiiffiinik minnerusunik pilersitsinissaq, kiisalu illoqarfiiut minnerit nunaqarfiiullu iluaquserniarlugit taarsigassarsiassanut killissarititaasut assigiinngissitaarnissaat eqqumaffigineqarput.

Inatsisissatut siunnersuuteqarnermi naalakkersuisooqatigiinnissamut isumaqatigiissummi naligiinnerusumik, toqqissisimanartumik ineriartortitsiviusumillu inuuneqarnissamik siunnerfeqarnerit anguneqarnissaat timalersorneqalissaq.

Tassani ilaatigut pisortat taarsigassarsiariititaasa iluarsineqarnissaat, taamaallillutilu niuerfimmut naleqqussarneqarnissaat pineqarpoq. Assersuutigalugu illoqarfinni minnerni nunaqarfinnilu, aningaasalersuutissanik pissarsinissamut ajornakusoorfiusinnaasuni piginneqatigiilluni inissianik pilersitsisoqarsinnaalissaq, taamaalliluni amerlanerusunik taarsigassarsitsisoqalersinnaanissamut inatsit ilusilerneqarsinnaalissalluni. Aammalu Namminersorlutik Oqartussat piginneqatigiilluni inissiaatillit peqatigiiffiinut minnernut malitassanik suliaqarsinnaapput, taamaallunilu illoqarfinni minnerni nunaqarfinnilu piginneqatigiilluni inissiaatillit peqatigiiffiinik peqatigiiffiinik aallartitsinissaq ajornannginnerulissaq.

Siunnersummi piginneqatigiilluni inissiaatillit peqatigiiffiinik maannamut atuuttunit minnerusunik pilersitsisinnaanermut periarfissiisoqassaaq, taamaallunilu piginneqatigiilluni inissiaatillit peqatigiiffiinik, pingaartumik illoqarfinni minnerni nunaqarfinnilu pilersitsisarneq ajornannginnerulissaq. Tassunga aamma taarsigassarsiariititat amerlassusaasa allanngorartuunissaat, taamaallunilu taarsigassarsiariititani sumiiffiit ataasiakkaat apeqquaatinneqarnissaat ilanngunneqassaaq.

Attartortut inissianik attartukkaminnik inissiatut piginneqatigiiffittut tigusinissaq pillugu kommunalbestyrelsimit qinnuteqarsinnaalissasut siunnersuutigineqarpoq. Maleruagassat siusinnerusukkut atuuttut malillugit pisortat inissiaataannik attartortittakkanik piginneqatigiilluni inissiatut tigusinissamut inatisitigut piumasaqaateqartoqarpoq. Kommunalbestyrelsip siunissami pisortat inissiaataannik pilersuinermi akisussaasuuaternissaa pingaartinneqarpoq. Taamaattumik kommunalbestyrelsi inissianik pilersuinermi pilersaarusiorsinnaasussaavoq, aammalu pisortat inissiaataannik attartortittakkanik tunisinissamut pisussaatinneqassanngilaq.

Ineqarnermik aaqqissusseqqinnejnq inuunerme atugassarititaasut pitsaanerulernissaannut minnerunngitsumillu aningaasaqarnerup uummaarinneerusumik ineriartornissaanut qulakkeereqataassaaq. Aaqqissusseqqinermi naligiinnerup annerunerulernissaa aammalu isertitakitsut akunnattumillu isertitallit inissianik pilersorneqarnerisa annertunerulernissaa Naalakkersuisut pingaartippaat.

Piginneqatigiilluni inissiat pillugit Inatsisartut inatsisissaattut siunnersuut ineqarnermik aaqqissusseqqinermut ilaatinneqarpoq, taamatullu aamma illiortiternernut aningaasalersuineq pillugu Inatsisartut inatsisissaat nutaaq ilaasussaalluni.

Taamatut oqaaseqarlunga Naalakkersuisut sinnerlugin immikkoortoq Inatsisartuni suliassanngorlugu tunniupparia.